



**Cofnodion Cyfarfod o Gyngor Llawn Cyngor Tref Llandeilo a gynhaliwyd yn Neuadd y Sir, ddydd Mercher, 28ain Ionawr, 2009 am 7.30 p.m.**

**Presennol:** Y Maer y Cyng Edward Thomas, y Dirprwy Faer y Cyng Charlotte Leadbeater, y Cyng Colin Jenkins, y Cyng Ros Bellamy, y Cyng Julia Jones, y Cyng Chris Parish, y Cyng Ieuan Gwyn, Mr Roger Phillips (Clerc y Dref) Mr. Christopher Plummer (Swyddog Cyllid) Mr Des Davies (Swyddog Technegol)

**Ymddiheuriadau :** Y Cyng Fran Murphy, y Cyng Richard Wallace, y Cyng Dawn Wallace, y Cyng Hugh Towns, y Cyng Roy Davies.

**Materion yr Heddlu :** Eglurodd PC Vernon Thomas fod pedair trosedd wedi digwydd yn ystod y mis hyd yn hyn. Llwyddwyd dod o hyd i'r troseddwr mewn tri o'r achosion, sef 1 achos o feddiannu cyffuriau a reolir, 1 achos o siopladrad ac 1 tramgwydd yn erbyn y drefn gyhoeddus. Roedd yr Heddlu yn hyderus y byddent yn dod o hyd i'r troseddwr yn yr achos o ddifrod troseddol i gerbyd yn y dyddiau nesaf. Roedd Sarjant Lee Williams wedi ei benodi i Landeilo a byddai'n mynychu'r cyfarfod nesaf.

**Cof 233 / Ionawr /09 Adroddiad y Cynghorydd Sir.**

Dywedodd y Cynghorydd Sir Ieuan Jones y byddai'r pafiliwn tenis newydd yn cael ei adeiladu ym mis Mai. Byddai tîm Rhag-gynllunio CSC yn cynnal seminar ar ddiwedd Chwefror ynglŷn â'r CDU newydd. Roedd cyfarfodydd yn dal i gael eu cynnal ynglŷn â'r adrefnu arfaethedig o ysgolion uwchradd yn ardal Dinefwr.

Gofynnodd y Cyng Jones am gynrychiolwyr i fynychu cyfarfod HOWLTA, cymdeithas rheilffordd Canolbarth Cymru, ddydd Sadwrn 31ain Ionawr yn Llanymddyfri. Byddai'r Cyng Julia Jones a'r Cyng Chris Parish yn cynrychioli'r Cyngor.

**Cof 234 / Ionawr / 09 Cofnodion Blaenorol**

Darllenwyd a chadarnhawyd cofnodion o Gyfarfod o'r Cyngor Llawn a gynhaliwyd yn Siambr Neuadd y Sir ddydd Mercher, 10fed Rhagfyr, 2008 yn gofnod cywir gyda'r newidiadau canlynol :-

*Cof 204 / Rhagfyr/08 - newid Bryn yn Bro Hywel.*

*Cof 206 / Rhagfyr/08 - newid Bryn yn Bro Hywel.*

*Cof 209 / Rhagfyr/08 (1) newid D.Cledwyn Hughes yn D. Cledwyn Moses*

*Ymddiriedolaeth Archeolegol Dyfed (newid y gair ailosod yn adnewyddu plac treftadaeth glas.*

*Cof 214 / Rhagfyr/08 (2) – rhodd i Fand Pres Rhydaman newid £100 yn £150*

Cynigiwyd gan y Cyng Ieuan Gwyn ac eiliwyd gan y Cyng Charlotte Leadbeater.

Roedd pawb o blaid.

Darllenwyd a chadarnhawyd Cofnodion Cyfarfod o'r Pwyllgor Cynllunio a gynhaliwyd yn Siambr Neuadd y Sir, ddydd Mercher, Ionawr 14eg, 2009 yn gofnod cywir gan argymhell eu derbyn gyda'r newid canlynol:-

*Cof 221 / Ionawr/09 – ychwanegu'r gair goleuo ar ôl y gair Troedffordd.*

Cynigiwyd gan y Cyng Colin Jenkins ac eiliwyd gan y Cyng Chris Parish. Roedd pawb

o blaid.

Darllenwyd a chadarnhawyd Cofnodion Cyfarfod o'r Pwyllgor Cyllid a gynhaliwyd yn Siambr Neuadd y Sir ddydd Mercher, 14eg Ionawr, 2009 yn gofnod cywir gan argymhell eu derbyn gyda'r newidiadau canlynol :-

*Cof 225 / Ionawr / 09 – dylai'r bil i'w dalu i Fenter Bro Dinefwr (cyfieithiadau) fod yn £1,031.52 nid £1,003.52.*

*Ychwanegu ym miliau i'w talu Morgan & Morgan (ffacs/peiriant ateb swyddfa) £115.36*  
Cynigwyd gan y Cyng Ros Bellamy ac eiliwyd gan y Cyng Ieuan Gwyn. Roedd pawb o blaid.

### **Cof 235 / Ionawr / 09 Materion yn codi o gyfarfodydd blaenorol**

Parth. Cof 223 / Ionawr / 09 Dywedodd y Dirprwy Faer na fyddai'n gallu mynychu cynhadledd Cymru Gynhaliol.

### **Cof 236 / Ionawr / 09 Gohebiaeth sydd angen ei ateb**

1. Shelter Cymru – Cytunwyd y byddai'r Clerc yn gwahodd cynrychiolydd i annerch y Cyngor Llawn nesaf ar eu prosiect Cymunedau Gwledig.
2. CSC - Gerwyn Thomas – Cytunwyd y byddai'r Clerc yn anfon ffotograffau a gwybodaeth ymlaen ynghylch cais y Faner Werdd.
3. Nell Hillier, Afon Tywi'r Oesoedd parth Parc Penlan. Byddai'r Clerc yn anfon llythyr ymlaen i Swyddog Parciau CSC.
4. Arwyn Evans parth. Cyfarfod ar y cyd ag Adam Price a Rhodri Glyn Thomas. Byddai hwn yn cael ei gynnal ddydd Gwener, Chwefror 20<sup>fed</sup> am 7.30pm
5. Sefydliad Aren Cymru – taith gerdded nodedig ar 29<sup>ain</sup> Mawrth. Nodwyd.
6. ICO - parth Deddf rhyddid gwybodaeth. Cytunwyd y byddai'r Clerc yn gofyn y Cyng Fran Murphy ei ddarllen ac adrodd yn ôl i'r Cyngor.

### **Cof 237 / Ionawr / 09 Gohebiaeth er Gwybodaeth.**

1. Llythyr o ddiolch gan yr Arglwydd Dynevor am y cydymdeimlad a fynegwyd ar farwolaeth ei dad.
2. Chris Reading parth. Lwfansau i Aelodau'r Cynulliad yn Llywodraeth Cynulliad Cymru. Nodwyd.
3. B.A.Davies parth. Cau'r Gymdeithas Gyrwyr Anabl. Nodwyd.
4. Taflen newyddion Un Llais Cymru. Nodwyd.
5. Gohebiaeth Cymdeithas y Dalar. Byddai'r Clerc yn rhoi'r cais am rodd ar agenda nesaf y Pwyllgor Cyllid.
6. Adroddiad Panel Dyfarnu Llywodraeth Cynulliad Cymru. Nodwyd.
7. Arddangosfa Konica Minolta. Nodwyd.

### **Cof 238 / Ionawr / 09 Materion Ariannol.**

- 1 Cyfrifon i'w Talu

WCVA (Gweinyddiaeth Ionawr 2009)	£ 34.79
WCVA (Cyflogau Ionawr 2009)	£ 149.64
Des Davies (inc i'r argraffydd ac arian i'r ffôn)	£ 31.73
Des Davies (Clo botwm gwthio i'r Swyddfa)	£ 68.48
PINC (cyflwyno blodau i bensynwr lleol ar ben-blwydd yn 100.)	£ 20.00

Penderfynwyd talu'r rhain. Cynigwyd gan y Cyng Colin Jenkins ac eiliwyd gan y Cyng Ros Bellamy. Roedd pawb o blaid.

2. Materion Ariannol Eraill

a) Gwiriadau Chwarterol.

Adroddodd y Cyng Ros Bellamy fod 7 o wahanol ddaliadau wedi eu gwirio.

Gwiriwyd y sieciau canlynol

Siec 1328 - dylid ei chlustnodi i Gyfieithiadau ac nid tân gwyllt.

Siec 1339 - ni ddylid ei thalu nes canfod i bwy y mae'n daladwy

Siec 1362 - Prasio Neuadd y Sir i'w chlustnodi i Yswiriannau.

Byddai'r Swyddog Cyllid yn mynd ar drywydd dwy siec heb eu cyflwyno.

**Cof 239 / Ionawr / 09 Cludiant a Phriffyrdd**

Adroddwyd bod y golau stryd tu allan i 5, Heol Cilgant yn ddiffygiol. Byddai hyn yn cael ei adrodd i CSC.

**Cof 240 / Ionawr / 09 Adroddiad y Swyddog Technegol.**

Cyflwynodd Mr Davies yr adroddiad terfynol ar oleuadau Nadolig 2008. Awgrymodd fod y cyfnod o oleuo am 44 diwrnod yn ormodol o ran costau a niwed i'r amgylchedd.

Cynigodd air o rybudd ynghylch addurniadau blwyddyn nesaf oherwydd rheoliadau atodol yr Asiantaeth Cefnffyrdd. Wrth dderbyn yr adroddiad a diolch i Mr Davies, awgrymodd y Maer y byddai angen i'r Is-grŵp ystyried yr argymhellion.

Cynigodd y Cyng Ros Bellamy y dylid anfon llythyron o ddiolch i'r bobl leol a gafodd oleuadau Nadolig ar eu tai. Eiliwyd gan y Cyng Colin Jenkins. Roedd pawb o blaid.

**Cof 241 / Ionawr / 09 Adroddiad y Maer.**

Rhoddodd y Cyng Edward Thomas adroddiad ar yr achlysuron a fynychwyd ar ran y Cyngor yn ystod y mis. Byddai'n trefnu cyfarfod â'r Cyng Julia Jones ynghylch yr adolygiad o'r prosiect Llandeilo yn ei Blodau.

**Cof 242 / Ionawr / 09 Polisi'r Cyngor ar gyfer Cyfrif Treuliau'r Maer**

Cynigodd y Cyng Ieuan Gwyn fod y ddogfen adroddiad drafft a gynhyrchwyd gan y gweithgor yn cael ei derbyn. Eiliodd y Cyng Ros Bellamy y cynnig. Roedd pawb o blaid.

**Cof 243 / Ionawr / 09 Adroddiadau Eraill**

Rhoddodd y Cyng Chris Parish adroddiad ar gynhadledd y Bartneriaeth Chwarae a fynychodd yn Arberth ar ran y Cyngor. Nodwyd.

**Cof 244 / Ionawr / 09 I drafod y Cynnig i gynnal Carnifal Tref**

Gwnaeth y Dirprwy Faer gylchredeg dogfen yn manylu cynnig i gynnal carnifal Tref. Yn dilyn trafodaeth, cynigodd y Cyng Colin Jenkins na ddylai'r Cyngor gynnal carnifal ar sail y ddogfen a gyflwynwyd. Eiliwyd gan y Cyng Ros Bellamy. Derbyniwyd cynnig y Cyng Jenkins.

Cynigodd y Cyng Ros Bellamy y dylid sefydlu gweithgor i drafod trefnu digwyddiadau haf llai o faint ym Mharc Penlan. Eiliwyd gan y Cyng Julia Jones. Roedd pawb o blaid. Byddai'r gweithgor yn cynnwys y Maer, y Dirprwy Faer, Cyng Julia Jones, Cyng Chris Parish a Chlerc y Dref. Byddai'r cyfarfod cyntaf yn cael ei gynnal ddydd Mawrth, Chwefror 3ydd am 6.30pm.

**Cof 245 / Ionawr / 09 Nid oedd unrhyw eitemau eraill o fusnes**

Daeth y cyfarfod i ben am 9.40pm